

Khoutu e ntjha ya Tsamaiso ya Kgwebo ya Keller

Tsela eo re itshwarang ka yona e bohlokwa. Mmoho, bohle re tlatsetsa moetlong wa Keller mme seo re se etsang, kapa seo re hlolehang ho se etsa, se na le ditlamorao tse tlang ka kotloloho hodima batho ba re potileng. Mme ketso kapa ho se etswe ha ketso e le nngwe ho ka senya setumo sa rona, theko ya diabo tsa rona le bokamoso ba rona.

Khoutu ya rona ya Tsamaiso ya Kgwebo e teka bonyane ba ditebello bakeng sa bomphato bohle, hohle moo re leng teng mme ho sa natswe hore re sebeletsa kgwebo efe ya Keller. Khoutu e kopanya mmoho dintho tse tharo ho re boloka re bolokehile:

1. **Molao** - kamehla re tlameha ho latela molao – o kgubung ya tshepo ya bareki ho Keller
2. **Tsela ya rona ya tshebetso** - tsena di fana ka mokato o le mong wa tlhahisoleseding, tataiso le tshehetso ho netefatsa hore ha re robe molao:

- **Ho boloka bohle ba phetse hantle mme ba bolokehile**

Re dumela hore ha ho motho ya lokelang ho lemala ka lebaka la mosebetsi oo re o etsang – ka hona bohle ba dula ba bolokehile hantle le ho phela hantle.

- **Ho tshehetsa ditokelo tsa basebetsi le basebetsi ba merabe e fapaneng**

Re thoholetsa, tshehetsa le ho sireletsa ditokelo le seriti sa motho le merabe e fapaneng dipakeng tsa batho ba rona – e le hore bohle re tshwarwe ka tlhompho.

- **Ho tswelletsa boitshwaro bo ikamahanyang le melao ya tshebetso le boitshwaro bo nang le nnete**

Kamehla re sebetsa ka nnete, re sebetsa ka seriti le ho ikamahanya le molao – ka hona batho bohle ba re tshepa.

- **Ho dula re sa amehe diketsong tsa tjojo le bobodu**

Kamehla re etsa bonnete ba hore re na le bolokolohi kgahlanong le tjojo le bobodu mme re fumana diprojeke ka tsela e hlokanang leeme

– ka hona batho ba tseba hore diqeto tsa rona di etswa ka mabaka a nepahetseng.

- **Ho boloka dikgokahano tsa rona le batho di bulehile mme di na le boikarabello**

Re hokahana ka tsela e bulehileng, e nang le nnete, e hlakileng mme e nang le boikarabello.

- **Ho fana ka tshebeletso e tswileng matsoho ya bareki le ho sebetsa mmoho le bafepedi ba rona ho netefatsa hore ho ba le boitlamahanyo le ditekanyetso tsa rona**

Re sebeletsa ho phethahatsa ditlhoko tsa bareki ba rona le ho fetisa ditebello tsa bona – e le hore ba sebetse le rona hape le kamoso. Re netefatsa hore re theha dikamano tse ahang le bafepedi ba rona mme ba utlwisisa maano le maemo a tshebetso ao re sebetsang ka oona.

- **Ho sebetsa hara setjhaba**

Re sebetsa ka boikarabello le tlhomphano dibakeng tseo re sebetsang ho tsona - hobane re karolo ya bona.

- **Ho sireletsa tikoloho ya rona**

Re hlomphele ho sireletsa tikoloho, mme re fokotsa kamo eo re e bakang hodima yona – ka hona re sireletsa bokamoso.

- **Ho emela se nepahetseng**

Kamehla re a bua ha re dumela hore maano a rona a tsuwa tlase – ka hona re kgomarela maanong a rona mmoho.

3. **Maano a rona** – maano a rona a sehlooho **Seriti, Tshebeletsano le Tshebetso e Tswileng Matsoho** a netefatsa hore kamehla re etsa ntho e lokileng bakeng sa bomphato ba rona, bareki, boraseabo le setjhaba – moo hangata re etsang ka ho fetisa ho ikamahanya feela le molao le ditsela tsa rona tsa ho sebetsa.